

Ineqarnermut tapiissutisinissamut aningaasanut killiliussat, nammineq akileeqataassutissat kiisalu ineqarnermut tapiissutit aningaasartaasa annerpaaffissaat minnerpaaffissaallu pillugit Namminersornerullutik Oqartussat nalunaarutaat

Inissiani attartortittakkani ineqarnermut tapiissutit pillugit Inatsisartut peqqussutaat nr. 3, 31. maj 2001-imeersumi § 6, imm. 3 naapertorlugu makku aalajangersarneqarput:

§ 1. Inoqutigiittut isigineqarput inersimasut meeqqallu tamarmik inissiami aalajangersimasumik najugallit.

Imm. 2. Ineqarnermut tapiissutit tunniunneqassapput inoqutigiit tamarmiusut ukiumi akileraarfusumi kingullermi ilisimaneqartumi isertitaat akileraaruteqaataasussat tamarmiusut tunngavigalugit.

§ 2. Inoqutigiinnut meerartaqanngitsunut ineqarnermut tapiissutisinissamut killissarititaavoq kr. 180.000.

Imm. 2. Inoqutigiinnut ataatsimik meerartalinnut ineqarnermut tapiissutisinissamut killissarititaavoq kr. 372.000.

Imm. 3. Inoqutigiinnut marlunnik meerartalinnut ineqarnermut tapiissutisinissamut killissarititaavoq kr. 396.000.

Imm. 4. Inoqutigiinnut pingasunik meerartalinnut ineqarnermut tapiissutisinissamut killissarititaavoq kr. 408.000.

Imm. 5. Inoqutigiinnut sisamanik meerartalinnut ineqarnermut tapiissutisinissamut killissarititaavoq kr. 416.000.

Imm. 6. Inoqutigiinnut tallimanik meerartalinnut ineqarnermut tapiissutisinissamut killissarititaavoq kr. 428.000.

Imm. 7. Inoqutigiinnut arfinilinnik amerlanernilluunniit meerartalinnut ineqarnermut tapiissutisinissamut killissarititaavoq kr. 444.000.

§ 3. § 2-imi killissarititaasut tikillugit isertitaqqortussutsini assigiinngitsuni nammineq akileeqataassutissaq ilanngussaq 1-imi takuneqarsinnaavoq.

§ 4. Ineqarnermut tapiissutit ukiumut kr. 1.200-nit annikinnerusut tunniunneqartussaangillat. Ukiumit ataatsimit sivikinnerusumik ineqarnermut tapiissutisinnatitaanermi minnerpaamik tunniunneqarsinnaasoq piffissamut naleqquttumik ilaannakortumik annertussuseqassaaq.

§ 5. Ineqarnermut tapiissutit inoqutigiinnut ataatsinut ukiumut annerpaamik kr 60.000-inik annertussuseqarsinnaapput. Ukiumit ataatsimit sivikinnerusumik ineqarnermut tapiissutisinnatitaanermi annerpaamik tunniunneqarsinnaasoq piffissamut naleqquttumik ilaannakortumik annertussuseqassaaq.

§ 6. Nalunaarut atortuulerpoq 1. januar 2002 aallarnerfigalugu.

Namminersornerullutik Oqartussat, ulloq, 13. september 2001

Jørgen Wæver Johansen

/

Martha Abelsen

Ilanngussaq 1

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut